

郴州志卷之二十

祥異紀

唐景龍元年秋七月州大風發屋拔木

開元四年夏六月州馬嶺下有白蛇與黑蛇鬪白蛇長六七尺吞黑蛇至腹口眼血流黑蛇長丈餘穿白蛇腹出俱死

大曆十三年州黃岑嶺摧壓死百人

會昌三年州馬生角

郴州志

卷之二十

一

宋祥符四年夏六月州袁廷慶獻芝草十本

淳熙元年州旱饑甚

國朝洪武己酉州寨長羅福作亂

洪武庚戌杜回子冒阿孫作亂

洪武壬子砥砲峒鍾均道作亂

洪武丙寅州大有年

永樂乙酉桂東縣芝草生於泮宮

永樂甲午宜章縣大饑死者橫道

正統己巳秋八月十五日宜章縣司馬鄭整祖居
田地震三日泉水流出盡赤未幾公有土木之變
成化壬辰州大疫死屍遍野

成化甲午州大火焚倉庫廳廨民居

成化丙午州大疾宜章縣亦大疫

成化丁未宜章縣大火延燒軍民房屋百餘所

弘治戊申巳酉州大有年

弘治己未州大火焚官民居室

郴志

卷之二十

二

正德丁卯宜章縣大水衝塌西南城垣壞民田塘
廬舍秋復大蝗

正德戊辰冬十一月州有鳥蔽天声如雷苗寇作
亂陷永興寧城丁丑復勾連宜章縣莽山西山
笠頭等崗賊首龔福全李斌梁栢桂陽縣延壽等
崗賊首高仲明大肆猖獗劫掠州縣 朝命湖廣
都御史秦金南贛軍門王守仁合調土漢官兵討
平之

正德己巳宜章縣虎患知縣丘雲漢禱昭德侯祠
息之桂東歲大登

正德庚辰春正月興寧縣有烏雲如車輪擊逐於
空中自辰至巳始滅

嘉靖己酉夏興寧縣大水漂民廬舍宜章縣虎傷
人類多行道採樵者甚恐知縣陳邦儀禱於廟息

嘉靖戊子春桂東龍出于郊大雨七日

嘉靖己丑秋七月桂陽縣淇江洪水突起七丈有

柳志

卷之二十

三

竒三日方退死者滿百積屍巨港不可勝計知縣
楊易親往祭之八月上旬三淇方騰虫食禾五日
殆盡遂飛山澤草木皆弊是歲大饑

嘉靖戊戌宜章縣饑粟山竹林約廣六七里竹稍
生米如稷味甘可食鄉人啗之

嘉靖庚子秋七月州大水漂民居舍

嘉靖辛丑秋八月州西北有声如雷野鷄皆鳴

嘉靖癸卯春正月州雨至四月五月不雨秋大饑

嘉靖甲辰夏州有蝗秋大疫死者數千人復大饑
宜章縣旱蝗大饑

嘉靖乙巳州大饑民鬻男女採蕨根草食

嘉靖丙午州大有年

嘉靖丁未夏六月桂陽縣忽溪頭東岡山崩平地
湧水天地晦冥瀰漫入城深一丈餘直抵縣及明
倫堂兩廡墻垣俱圯東南一帶城隍衝圯一百
嘉靖丁巳宜章縣火延燒民房

郴志

卷之二十

四

嘉靖辛酉大羅山賊入宜章縣長寧鄉十四都殺
人甚慘

嘉靖癸亥興寧縣東城濠有紅水出如血色

嘉靖乙丑興寧縣上下連崗賊首黃積珠等作亂
南贛都御史陸穩調兵勦其巢穴平之

隆慶戊辰興寧縣雷家等崗賊劫掠鄰境會有
奏請勦除者遂負固以叛南贛都御史張紳令擒
其賊首楊子常李時學等數十人餘黨悉招撫之

隆慶庚午桂陽縣羅木山賊黃朝祖等作亂南贛
都御史張翀調兵討平之

隆慶壬申秋九月興寧縣西關民失火延至東南
關城內一時齊發燒民舍千餘間

郴州志卷之二十

郴州志

卷之二十

五

郴州志後叙

郴州志自入我

國朝脩梓於侯袁嗣於侯王袁之後何文簡孟春表章之而秘於忌王志正於周令尹南而格於時一祖於元總管王公都中元俞之舊史稱公治郡之績古循吏無以過之其父母吾郴者今猶志之不忘

郴州志後序

一

我

屏麓胡大夫之為守也朞月政通慨袁王之志遠而無徵何周之志輯而無傳毅然以脩定為已任諮集儒雅核致名實首沿革志域民也次封爵志尊民也次秩官志親民也尊尊親親培齒黜黜黜則匪夷者出故受之以科貢人之傑

亦地之靈為之故受之以提封提封列
必壯置以樹觀故受之以創設有土有
財斯食貨繼矣荷庇思報斯_秩繼矣祀
崇則禮義興而學校固相先之地也故
又繼焉兵戎以待暴久此禮義者也故
又繼焉要皆待其人而後行也由是而
循良傳矣率作樂育由是而人物彬彬

矣由是而夫婦之愚不肖各得性之所
近皆班班有述矣君子之至於斯也亦
足為地重也故不以僑寓遺焉仙釋即
不經而清脩苦行亦足以廉頑律恣又
不以異端遺焉祥異之來政治之徵也
故以是終焉誓真訂舛鑿鑿可憑蓋盛
典也以吾乘過家之會屬一言于末簡

夫叙大夫詳矣又奚用贅為然竊究治
郡之道志其文也而有實焉管王總管
廢然稱循非徒志也凡志所載次第行
之此元志之實也尊親在大夫保疆興
廢在大夫足食足兵在大夫勸學興禮
昭德塞違柔遠畏天在大夫何莫非大
夫事斯志也將志大夫之實者也管總

管不以一志軒輕其良志固因良而益
重今大夫果能不以一志軒輕其良志
不亦因良而可存邪黃尚明謹叙

郴州志殘本存卷八至二十明刻白棉紙印貞羣
於昔年從盧君澹園處得之今登天一閣編錄
書目見郴州志缺卷適相符合故特歸之閣中俾
成完璧民國二十四年十月慈谿馮貞羣記

